

ORDENANZA 3.26
TAXA POLA PRESTACIÓN DE SERVICIOS ESPECIAIS DE VIXILANCIA DE
ESPECTÁCULOS E TRANSPORTES

Artigo 1º. Fundamento e natureza

En uso das facultades concedidas polos art. 133.2 e 142 da Constitución e polo art. da Lei 7/85, do 2 de abril, reguladora das bases de réxime local, e de conformidade co disposto nos art. 15 a 19 da Lei 39/88, do 28 de decembro, reguladora das facendas locais, o Concello de Santiago de Compostela establece a taxa pola prestación de servizos especiais de vixilancia de espectáculos ou transportes, a que se refire o art. 20.4.g) da propia Lei 39/88, que se rexerá pola presente Ordenanza Fiscal, cuíñas normas atenden ó prevenido no art. 58 da Lei 39/88.

Artigo 2º. Feito imponible

1. Constitúe o feito imponible da taxa, a prestación dos seguintes servizos especiais de competencia municipal, a instancia de parte:
 - a) Vixilancia, protección, ordenación e regulación do tráfico, estacionamento de vehículos e calesqueira outros que sexan motivados pola celebración de espectáculos e esparcimentos públicos que pola súa natureza, pola aglomeración de público que os mesmos provoquen ou polas necesidades de ordenar o acceso e saída do público e vehículos, así o esixan.
 - b) Condución, vixilancia e acompañamento de transportes pesados, grandes transportes e caravanas a través das vías públicas do Municipio.
 - c) Calesqueira outros servizos análogos ós anteriores que sexan motivados por actividades que esixan a súa prestación.
2. Se entenderán prestados a instancia de parte os referidos servizos cando estes sean provocados polo suxeito pasivo ou redunden no seu beneficio, aínda que non o teña solicitado de forma expresa.

Artigo 3º. Suxeitos pasivos

1. Son suxeitos pasivos en concepto de contribuíntes, as persoas físicas ou xurídicas e as entidades a que se refire o art. 33 da Lei Xeral Tributaria, que sexan:
 - a) Titulares, empresarios ou organismos, no seu caso, dos espectáculos e esparcimentos que motiven a prestación dos servizos especiais sinalados no número anterior.
 - b) Titulares da empresa que realicen os servizos de transporte ou, de non estar os vehículos afectos a unha actividade empresarial, os propietarios dos mesmos.
 - c) Peticionarios dos demais servizos especiais e quen os provoquen ou resulten beneficiarios dos mesmos, aínda que non o soliciten.

2. Responderán solidariamente das obrigas tributarias do suxeito pasivo, as persoas físicas e xurídicas a que se refiren os art. 38.1 e 39 da Lei xeral Tributaria.
3. Serán responsables subsidiarios os administradores das sociedades e os síndicos, interventores ou liquidadores de quiebras, concursos, sociedades e entidades en xeral, nos supostos e co o alcance que sinala o art. 40 da Lei Xeral Tributaria.

Artigo 4º. Cota tributaria

1. A cota tributaria determinarase en función dos efectivos persoais e materiais que se empleen na prestación do servizo e do tempo invertido na mesma.

2. As tarifas a aplicar serán as seguintes:

1 Por cada policía, bombeiro, funcionario ou empregado municipal,
por hora ou fracción17,10 €

- 2 Por cada vehículo municipal usado; por hora ou fracción:

Automóviles.....	33,15 €
Motocicletas	14,20 €
Camións	40,15 €
Vehículos especiais (escaleira, grúa, motobomba, etc.)	80,35 €

- 3 Tarifa mínima.

En todo caso, os dereitos por prestación deste tipo de servizos
non poderán ser menores de76,25 €

3. Na aplicación da tarifa observaránse as seguintes regras:

- a) As cotas incrementaranse nun 25% cando os servizos teñan lugar entre as 20 e as 24 horas do día en nun 50% si se prestaren entre as 0 e as 8 horas en domingos e días festivos.
- b) O tempo de prestación efectiva dos servizos computaranse tomando como momento inicial o da saída dos efectivos dos seus respectivos acuartelamentos e como final o da entrada nos mesmos, unha vez concluído o servizo.
- c) O material consumible que se empregue, distinto do necesario para o funcionamento dos vehículos, será abonado polo suxeito pasivo.

Artigo 5º. Beneficios fiscais

Non serán aplicables outros beneficios que os expresamente previstos en normas con rango de Lei ou os derivados da aplicación de Tratados Internacionais.

Artigo 6º. Devengo

Devengarase a taxa e nace a obriga de contribuír cando se inicia a prestación do servizo. Cando se actúa a petición de parte, se entende iniciada a prestación cando se resolve positivamente a solicitude do interesado.

Artigo 7º. Normas de xestión

1. Os suxeitos pasivos que motiven a prestación dos servizos regulamentados nesta Ordenanza presentarán un escrito dirixido á Alcaldía determinando o día, hora e lugar no que debe ser prestado o servizo, o seu contido e a súa duración prevista, estando obrigados a realizar o ingreso da liquidación resultante na Tesorería municipal ou nas entidades bancarias debidamente autorizadas. A petición deberá formularse cunha antelación mínima de oito días.
2. A solicitude será resolta pola Alcaldía, dando conta ó interesado e ó servizo que deba cumprimentalo. Si se denegara a súa prestación devolverase o ingreso efectuado.
3. Unha vez prestado o servizo, polo Xefe da Dependencia darase conta do seu cumprimento, duración e contido do mesmo, practicándose, no seu caso, a liquidación que corresponda polo exceso de tempo ou dos medios utilizados.
4. No suposto do Art. 2.2ª, a liquidación será aprobada pola Alcaldía previo informe do Xefe do Servizo, no que se farán constar as circunstancias do caso, tempo empregado e medios utilizados. Esta liquidación será notificada para ingreso directo unha vez que se teña prestado o servizo.
5. A renuncia á petición, unha vez iniciada a prestación do servizo, ou a menor duración deste sobre o solicitado e concedido non dará lugar a devolución algunha.
6. En todo caso, o acordo de prestación do servizo quedará supeditado á prioritaria atención dos servizos de vixilancia xeral.

Artigo 8º. Infraccións e sancións

En todo o relativo á calificación de infraccións tributarias, así como das sancións que ás mesmas correspondan en cada caso, estarase ó disposto nos Art. 77 e seguintes da Lei xeral Tributaria e na Ordenanza Xeral de Xestión.

DISPOSICIÓN DERRADEIRA

A presente Ordenanza foi aprobada de xeito provisorio polo Pleno da Corporación na sesión celebrada o día dezoito de novembro de dous mil tres. Se non se presentan reclamacións enténdese aprobada definitivamente. Comezará a aplicarse a partir do primeiro de xaneiro do ano dous mil catro, e aplicase mentres non se acorde a súa derogación ou modificación.

